

六書舊義

六書舊義

井研廖平撰

總論六書名義

班志說

鄭注說

許序說

象形

象形

象形

象事

處事

指事

象意

會意

會意

象聲

諧聲

形聲

轉注

同上

同上

假借

同上

同上

說字爲古學皆源本劉氏歆班志蓋七略舊文鄭許  
後師悉本劉氏家法今以班志說爲主取其先出文  
義較明鄭許二家文異義同埒解之以明其淵源  
班志前四書皆名象此說最古得真實義鄭許意雖  
相同但名目改易遂啟後來異說使班氏最初之意  
反不明故當急明班說以救之

二家四書名目上字有變改下字皆從同可見改者  
隨文便稱不改者實義所關也下形事意聲四字不  
改而班氏只以形事意聲爲名上同名象可知當就  
下四字立說上四字或同或異所不拘也

近人講六書惟知許義不能推見原始皆就叙說名目穿鑿埒會又但知詳上四字而不求下四字實義故說解林立而真解仍秘形聲二書異說尙少解指事者皆就指字立義以爲指畫之形而不知事字爲何義朱王二家指事門雜引象形中鍾象字以爲指事猶不過百餘字會意中牽引象事門中含體字但知會合之義無復意旨之分子是六書之名提而不清皆解上四字不解下四字之過也

造字之序始形次事次意次聲四門而止最初造字只如作畫象形在先象形皆實字有物卽有事故于

象形外別出象事一門從象形中脫化而出面目仍  
爲象形實義則專在事未言非象形而義則遁于空  
靈故象事在半虛半實之間如𠄎𠄎爲象形而𠄎𠄎  
則爲象事矣半馬爲象形而解馬則爲象事矣此從  
實化虛也至象意則全爲虛字但有其意並無形事  
之可言如武信二字旣不同日月有實形又不如上  
下讀如上下其可動作虛有武信之意而已作二字  
以達其意故象意皆虛字一實一虛一半實半虛可  
造之字盡此三門至于象聲則後來續造以濟形事  
意之窮者初無深意最滋繁衍余謂前三門爲造字

之主者此也

班志前四門皆曰象後二門則曰轉注段借不言象注象借也前四門名目與許鄭有異而後二門則皆從同以此見後二門乃用字非造字故取用財之轉注段借以名之不如前造字之以象名也以轉注與段借對文段借爲用財名則轉注可知不如俗說展轉相注宛轉流注也

用班義有二善前皆曰象可見當以下四字爲主則後來拘于上四字之說可以破矣後二門實字對文可見此爲用字之法皆用韻則後來從轉注望文生

訓之說可以破矣

近人講六書可謂極才竭智矣然列指事字多不過百餘心知其誤無說以通之然因陋就簡猶不以爲怪至轉注則無人不疑無人不思立說愈多愈亂前一說之誤誤在解不得事字後一說之誤誤在不知轉注爲用財之名不當就說文求之試卽班說攷之然乎否乎

形事文也意聲字也倉史造文初如作畫但有形事而已至于夏殷乃有轉注段借一事之義以數字形容之此古之轉注也本無其字以聲定名此古之段

借也通行既久其法愈巧乃以數字形容一字者造爲一字遂有象意之名所謂會合見意也于假借取聲之字別添形屬偏旁遂爲象聲字聲在前形乃後來所加于是而轉注段借皆有本字矣此其去造字之始大約在千年之後周時乃定六書之名則以雖有意聲用字之法亦不能遂無轉注段借故以配前四門而成六書轉注乃會意以後之會意段借爲形以後之形聲實則未有意聲已先有轉注段借非備造四書而後立用字之二門

許序六書解語皆先師相傳之說非許君自撰故許



說于形事二書每不得本意蓋不免循末忘本之失  
形事二門皆能繪畫許于象事字多以象形言之意  
本不差特六書名目須使分明許通部言指事者只  
上下二字遂使人不知象事命名之義許解上下以  
爲指事究不知其屬指事者爲何義遂使戴段諸家  
以象形實字爲形虛字爲事今按上下讀如上下其  
音上謂登高下謂降階一爲實形在上爲上升在下  
爲下降此用力加功之字非据見成而言觀許所釋  
似其時象事之說已晦蝕不明晰矣

會意之比類舍義以見指揮卽轉注之建類一首當

意相受形聲之因事爲名取譬相成卽假借之本無其字依聲託事也比類合義卽建類一首之變文以見指揮卽同意相受之變文因事爲名取譬相成與本無其字依聲託事之意尤切余謂轉注乃會意後之會意假借爲形聲後之形聲者此也

象聲就許書求之則形爲主以聲相屬頗于以聲爲象之義不合此蓋末流之意本來不如此象聲卽後來之假借其初有聲無形也當夏殷之際只有形事二書而水木之名則與物相始如江河松柏未造字字之先已有此名卽所謂本無其字是也因其名近

工可公白卽借音以名之所謂依聲託事是也如琤  
璦芙蓉等字當其初只作車渠夫容也此爲象聲之  
本故以聲爲主亦如段借無本字但以聲爲主也通  
行旣久乃各加偏旁工可加水公白加木遂爲形聲  
本字正如後人鳥名加隹石類加王者此與命名之  
意有先後之分象聲本爲段借依聲託事之教因加  
偏旁遂成本字爲形聲而段借又遂別爲一門今以  
一言決之曰象聲段借一也加偏旁者爲象聲不加  
偏旁者爲段借取象聲而去偏旁使爲段借取段借  
而加偏旁便爲象聲

以文字分隸四象頗難畫一近人多以字形相近爲斷而不知大有分別如本末朱末束來果朶舊說以爲指事而其中惟束字爲指束木之事餘皆象形變例也又如倒體反體反正之乏爲象形倒𠂔之𠂔爲象事而倒矢爲𠂔倒人爲匕則爲會意而倒首爲巢反止反爪則爲象形反卯爲𠂔則爲象事總之要就本字明其于形事意三者爲何屬不可就點畫中求之也

保氏六書舊法當是四象各爲一冊略如王氏文字蒙求之例故以六書爲目許氏五百四十部首大失

保氏之意蓋形事字多不爲部首所統而象意字則不可偏入一部予嘗欲依王例別撰四象一書專以補正許說其于保氏之意較許書親切矣

初爲獨體無虛字之說此就形定音義者也今以意形事分門則專以音義定四書而形在所輕然承用旣久實字每流爲虛字恐承訛踵誤之音義反足以亂四書不若据形爲主者之得其實然今之講音義究必歸合于形象雖以音義爲主仍以形象爲据說字須識時代字有始初後造之分始初字承用旣久其義多爲段借所奪後人字遂從段借制義與前

迥不同矣如女本象女陰所以異於男也承用爲女子字而母字後造遂加二點以象乳形則與女字初意不同舌本象射承用爲口舌之射而𠵽字遂從口舌立義矣又如言本干舌之𠵽文亦象射箭而承用爲言語字言部之字皆從此立義矣不知此沿變之分不能得四象本意也

造字本始象形後多用爲虛事就本始言則爲象形就後義言則爲象事如交象交趾形用爲交纏則象事矣熏象炎突形用爲熏燒則象事矣此類二門皆可入然就本始言則仍爲象形

轉注段借用字之法非造字凡字四象備矣則二書爲用字無疑蓋四象既將字造全用字之法則專立二書班志前皆言象後則轉注假對文不言象是其說雖班說有造字之本也句原指上四象而言近人乃六書皆爲造字不主用字非也

六書事與形對聲與意對轉注之對段借不惟其名目也假借因無爲有轉注化多爲少段借所以濟窮困轉注所以馭繁難假借異實而同名轉注異名而同實段借爲象聲之古法轉注爲象意之舊章假借必單詞隻字轉注爲駢語連文段借事尙質朴轉注

意取文備各立門戶而同取用財之名近人言轉注  
功用者莫如通訓定聲今將其轉注義歸還段借而  
別求轉注實義以自樹壁壘必如此轉注一門乃不  
爲虛設而訓詁傳注互文異字諸例於六書中乃有  
所歸

造字四門許有明文用字二書則部中並未言及以  
本書專明本義故也今人言段借多以許書以爲釋  
之不知以爲言字形之變例非以明段借段借多不  
能詳述故令張不言段義以實作虛卽號令長短亦  
卽段借非朋來之類乃是也



轉段二書以一字多一無字爲分

東方朔有飽欲死

喻轉段則轉注飽欲死段借飢欲死也

如朋黨行來但有朋鳳來襲之

朋來并無朋黨行來之朋來此所謂本無

其段同聲

字爲之至于轉注則因其字多詞章中纏複言之如

書之元首股肱詩之干城腹心一字已明而連用數

字如車之交轂水之並流故爲轉注其例甚多所關

亦較重二門意本相同其必分二類不許相混者則

轉注以爲意重段借以聲爲重轉注本借義猶可据

本義求之如來字轉注與薺黍菽稷等猶不離穀種

段借以爲行來與本義全別毫釐之差不止千里必

攷二門知其孰爲轉意孰爲借聲然後經義乃明許氏言段借本無其字以與轉注建類一首之有字相反故決言之轉段對文轉之建類一首卽無字之反義段之無字卽建類一首之反義惟其二書同類故詳畧互見彼此對勘建類一首明有字故段直言無字段言無字則知轉之字多矣

文字有限而事理無窮治說文者但明造字囿于迹象此小學初功其精正在明乎轉段知此則無書不可讀小學之能事畢矣而二者每相互用如初哉首基以實作虛此段借也而月言哉人言初土言首事

言基則又同意相受互用是一字而轉注段借並有也又君子二字君子作爲人稱此段借也旣稱君又言子則又轉注也大抵段借以實作虛轉注以彼注此定例也而轉注有用本字用段字之異特所轉字必二字同意如以恭轉敬以馬轉駒不能以吉轉凶以順轉逆此法不明羣經皆多轉轆擬將全詩作轉注段借攷如顧氏詩本音之例注于本文之下則治經者將有平蕩之樂而無轉轆之苦矣

說文專發明本義說造字之義于四象甚詳而用字轉段則在所畧蓋据形說義例不旁徵而本義旣明

則轉段自見故部中不出二書名曰轉段用字之法  
繇難較甚于四象此治經述文之要秘當就經傳文  
義中求之言不勝言故許君一概从畧若株守說文  
以言轉段不足以盡其變以本書言本字不言用字  
也

轉段貌同情昇朱氏混轉注于段借于是段借行而  
轉注廢矣朱以許言以爲者爲假借而分段義之字  
以爲轉注則轉注特埒于段借以見不知許君著書  
專据形以立義而于通行虛字多不得其本義通行  
既久古說無徵則隨俗訓解遂使段借多爲本義而

乃分轉注以補之今還假借失地復轉注故域段借之義明而轉注乃足以自顯故爲虛字攷一卷專言段借今不明虛字不足以言段借

假轉二門繁簡二義足以括之轉注所以馭繁假借所以馭簡辭章之文意少而字多不有轉注以馭之字字求意而文義不明有此以馭之則紛紜之際一經合併便歸簡要有端緒可尋如後表所列是也故轉注一門大有功詞章讀詩書楚辭等書非此不足以馭之至于假借之以無爲有人所易明不待說矣轉假再以名實喻之轉注所謂異名同實假借所謂

異實同名卽以尠正言之一大字之意而其文至三十九字大義所謂實也三十九字所謂名三十九名同一實此謂異名同實也假借之法如一字借四五義四五義其實也一字其名也此謂異實同名也二者相反相濟其用甚宏

又再以文質二義喻之轉注文也假借質也轉注爲詞章要訣一意而以數字形容之或取華瞻或齊章句如詩與楚詞不能一意一字此千古詞人之所同所謂文也至春秋經與儀禮儀節則全書無一轉注典章經制最爲謹嚴一字一意不尙詞藻此轉注爲

文之說矣至假借一字數義窮促簡略其爲質義無待詳言若假一音而並以同音之字待之如余疋訓大之三十餘字皆爲假借無一本義此假借之轉注與假借之本義不同予云假借之中有轉注又云二門互相爲用者此也

## 象形篇

許序畫成其物隨體詰屈日月是也形事皆如作畫但象形只是畫成其物而已單物單形更無別意不如象事有功用也

象形諸家無異說然有誤入會意者如珏駟林森櫟之類此爲種象雖會合二字仍爲物形非意也有誤入指事者如牟牟裏黍彪之類此爲加象雖於象形字加筆爲字然所加之字仍爲物形非事也象形門中當立此種象加象二例

象形中有記識一例如刃本末朱之類欲象刀之白



本之根杪非盡全刀木不能見但既盡全刀木則刃  
與本末之意又不見故加記識以分別之然其字仍  
爲象形舊誤入指事今以爲象形之變例

作畫有大寫工筆之異象形字亦如此繁體工筆也  
省體大寫也二類形象不能不小異舊說多以爲二  
字因口燕乙之類是也今立繁象省象二例補之

子以相爲古杖字此定說也初以爲會意繼乃悟杖  
有實形非會意蓋以木目二字象杖形者也杖爲木  
竹既有大象欲曲肖杖之形非此木目不能他如以  
水少二字象沙以大一象天以戈守一象或皆以二

字會象者此爲一例當推廣之

象形有一形數字者許書分隸各部不惟不見會通之妙後人遂指爲別一字者如包台孕壬本一字當類聚之是也

形有虛形有不能與實形相比然此類究當歸附象形不得入會意如王氏會意中所收之眉爲氣息無實形之類是也又令用本象形字後乃獨行改借虛意今當仍就本義攷之

象形除正例外今分爲十例撰四象當据以收之  
合象例

如匍眉爲之類是也

種象例

如玃馬棘炎之類是也

加象例

如牢牢車彪閑之類是也

虛形象例

如眉氣之類是也

取意象例

如相沙或苗天之類是也

記識象例



## 象事篇

言叙視而可識察而見意上下是也象事與象形實同特單象物者爲象形兼有功用者爲象事凡畫圖竿爲象形竿爲象事如畫山水草木此象形而不關事者也有人物則爲象事矣如釣魚圖魚與竿鈎爲象形持以釣魚則爲象事伏虎圖人虎爲象形以人伏虎則爲象事單畫人虎爲象形有所持執則爲象事此形事之分也

大學云物有本末事有終始物指形質故言本末事指功用故言終始有物必有事故象形與象事並重

形與事之分如物知意心身家國天下者形也格致誠正修齊治平者事也由物以至治平爲終始知此而事不與形相混矣

有此字卽有此物象形也聞其字而卽能動作象事

也如𠂔之類聞之卽可動作是也

以閱軍喻形事名冊點一名卽

有一人應聲而出此象形也軍令放鎗關技舞劍發矢則全軍手足鼓動如響應節此象事也

朱王所列象事一門不及百卅字會意較象事則多

至十倍乃其指事中多誤采形意字所取真指事不過十字蓋前人皆不講事字惟就指字立義事字真義不見故其所收不過形意之變例因此門孤弱遂

強以附此實不知象事爲六書之大門字最繁多特因誤以入於形意遂覺本門少耳

論語云視其所以觀其所由察其所安視爲初見察爲細察象事字如畫之釣魚伏虎圖初見已知爲竿爲魚爲人爲虎此視而可識也細察乃知以手持竿以餌釣魚以人伏虎此察而見意也象事半實半虛視而知其實形察而知其虛意公羊傳六鷁退飛過宋都云徐而察之鷁也再察之然後知其退飛過宋都意亦如此

指事今分爲八例

糾就人身耦體事例

如行北以步火口受糾之類是也

就身見事變體例

如歪周看臥夏拜曳史因公之類是也

以人依物見事例

如上下休坐登之類是也

身物並見以爲事例

如弓厝夾兵戒隻鬬采伐弔塞取孚之類半身半

物從以身舉物是也

以物制物合二物爲字體繁不再從身取義例



解束屬牽則分剝劍縣羽班困之類是也

舉事形例

如以八勺之類但舉事形以爲象是也

純物象事例

如飛不至衆生出非之類爲物之事然終爲象事之例與形聲意均不同是也

就物生事例

如吠鳴嘒贊牟臭猗集突竄戾流衍之類是也

象意篇

許叙比類合誼以見指揮武信是也家意一類一言以決之曰皆虛字無形可肖無事可作無聲可託乃爲象意如武信二字無形無事無聲是也必如此類乃爲象意

象意皆虛字此定說也舊說不講意字惟言會字就許會意之名猶可埒會若用班象意之名則會字不可言矣因誤据會字遂將形事門中合體之字闌入會意而六書亂矣

四象中意字最少朱王所列旣獵取合體象形又將

合體象事全歸此門竊取自富實不如此如珏林形也皆以爲意𠄎步事也亦以爲意不盡爲分別真僞不見矣

象意字有从象形字而見者如倒矢爲𠄎𠄎爲𠄎逆此象意也其字乃倒象形獨體字爲之此全從𠄎字音義而定雖矢爲象形而𠄎則全從𠄎𠄎見意矣

象意字以數字合成一字如夫婦會合而生子其子於父母之外自成形體別具面目如武字旣不關戈又不可入止部信字入人部旣非入言部亦不得

兩一類許以歸入部中大失保氏四書之意今

當以此自立一類

象聲者以無爲有也象意者化多爲少也凡意皆空  
虛不如形體質實無論何意非數字不能形容故必  
合數字乃成許名會意會卽化多爲少之謂也意如  
蝕金敗鐵會如洪鑪大冶必經鼓鑄乃能融合此本  
轉注之舊法故同爲以數字說一意余以轉注會意  
爲一彙者此也

古人文多樸拙後人文多靈巧古會意字少一義須  
得一字又或以數字形容一意旣造會意字則合數  
義以爲一字義多字少文便輕活至於六朝以後則

不惟會意字多且典故亦有會意之法用一二字而所包甚廣須數十字乃能注釋非此一二字則必繁言乃明此亦會意之意文所以曰巧也

意如題目字如文筆以字達意故云象意未造意字之先以數字象一意苦其繁冗乃合數字造成一字如信武非有此字必須數字乃能達其意又余正善事父母爲孝孝字卽會四字之意而成其事頗與諡法相似如勤學好問曰文勤學好問一意而四字此所謂字多意少爲轉注文以一字包之此卽造象意之法未經鍛鍊則爲轉注已經鍛鍊則爲會意既有

意聲之後則轉段與無意聲之前不能不小有之異然其初則實相同此移步換形之事也

舊說以形事爲獨體會意爲合體此誤也不論合獨但實物便爲象形如燕爲虎苗之類雖非獨體仍爲象形但是事便是象事如繸畫棄葬春之類雖非獨體仍爲象事有此事物獨體能象則獨體象之不能則合體象之非合象便不爲形事也而象意之字亦多獨體造字如范金合土取肖形模豈拘獨合此皆田誤解會意會字穿鑿上字不顧下字之過也象意以意爲主象聲以聲爲主象意不兼聲象聲不

兼意各爲門戶不相參雜舊說有意兼聲者誤也爲此說者本許書从某某亦聲按許書此類皆晚俗字經典只用其得聲偏旁無此僞體如齊只作齊而許書之齋齋齋劑齋皆晚俗誤加偏旁以相別當歸入俗體重文中王氏會意兼聲二百五十文皆此例也此類晚俗所加別爲一類不可因此混意聲也

東漢惟隸字通行篆文不過於碑碣間用之與今通用楷字惟金石間用篆字相同許書所錄篆文非盡据李篆全文而錄之楊馬通人作字亦爲隸體許君以篆法寫之耳故其中形義多不甚合此所以必立

流僞一門以統晚俗字也

象意爲虛字而字有从實誤虛者不可以爲會意仍當从形事說之如午𠂔之𠂔此从倒矢象意者也而午字與𠂔形近从𠂔字意說之亦可然午爲杵之古文象形非象意也午𠂔二字午爲段借𠂔爲會意从此類推不致因晚近而誤

子以獨體無虛字凡許書以虛字說獨體者皆誤又以象意爲虛字者蓋以意與形事比較耳凡意皆有實義不全虛至於稱謂語詞纏言形況諸門則全無義理以較象意則象意爲實此數類乃眞虛字矣此



固萬不能造字者也

象意字前人所列雖多除去形事二門則少矣蓋此類皆有妙義不易造作欲歸此門必當精審舊以許書从某从某者統歸象意最爲刺謬許書从某从某多象形象事字尤多以此爲會意者誤也

王氏有會意外別加聲六十八文此類有當入象聲者如碧

玉石爲形

蕩萍蕩藻藻

水草爲形

是也雙形一聲多爲

後人所加如碧可作碧珀蕩萍可作蕩非此亦俗體變爲正字者有當入象意者如𨾏之奉意已明筵簾意已明不必言丰甫之聲此等如齒金龍禽多爲後

人所加許書偶用或體耳究之王氏所舉多非象意  
如碧蕩等字皆有實物象形非會意奉御等又爲指  
事字矣

篇

爲名取譬相成江河是也象聲字其初只如段借取聲而已無形屬偏旁也故以象聲爲名段借已久後人於段字依類加形遂成本字故四象此門最繁雜

舊說於象形指事會意皆有兼聲之說非也凡有聲者皆當入象聲不得相兼形事意聲四門各別無相兼之理象形有聲如齒字則本當作囙有聲之齒乃囙之小名從囙止聲者也許因部中字從之立爲部首耳指事舊牽混不具論會意字如齋齋瓏琥之類

舊皆以爲兼聲其實皆俗體爲古法所無之字且實求之則齋爲會意而齋瓏琥皆爲實物全爲象聲中之象形字與會意字實不相干故今概不從兼聲之說

宋人以會意之法說形聲見譏於世今於象聲概不言義以示區別劉氏釋名專取聲訓雖爲古法然多增會牽就近人專主此說遂謂有聲卽有義而象聲遂與會意混今嚴立界限卽劉說亦不取之

象聲字不言義有不通之字如仁義忠恕本象意也字則變爲象聲忠恕二字以例江河不見其異而仁

義字則從人我得聲仁者人也義者我也人我之爲仁義此段借之本例象聲之舊法也二字行用已久義不敵聲如以形聲通例論之則仁字當以人爲形而別用聲字義字當以我爲形而別用聲字因其義不敵聲故卽於聲字加筆以爲字或二或羊取別而已此類爲象聲變例

國書及外洋字母專以託聲無形象可別用耳學不用目治古人象聲之字實亦如此但託其聲而其聲之爲物爲事爲彼爲此全由聽者之自悟此公羊所謂耳治也字母之學只是六書之一門而倉史之功

巨矣

許書中有錄象聲之小名而奪象形之正篆者如龍金齒禽之類是也舊說不知其源以爲兼聲之例今概歸入聲門而別補𪔐𪔑𪔒等正篆歸象形部以爲正字凡兼聲字皆正篆小名因遺正篆遂爲兼聲此以末爲本也凡此類皆當以此例推之

象聲有形事意之分然其名專由聲得其見爲形事意者由續加偏旁而定此皆後起字雖有形事意可言然本𪔐於依聲造字終爲象聲特於象聲中立三次不得與前篇形事意混也

有聲之說人多疑之然古字繁省不一字省與不  
省並見者足見許說有本惟此門一以則以規避之  
路凡不得聲字隨便舉擊近字皆屬可通取巧妄說  
今定爲必有不省明證然後以爲省聲或無明文者甯  
闕之不敢臆說

轉注篇

許叙云建類一首同意相受考老是也按建類一首  
卽本無其字之對文比類合義之變字也轉注本爲  
象意象意既有本字轉注乃退爲用字專門與段借  
相對成義故班鄭許三說皆同以轉注與段借對稱  
不改字也

許君以考老舉例蓋以二字連語爲說所謂建類一  
首也合二字以見義所謂同意相受也考老疊韻而  
意相同今故以雙聲疊韻爲正例毛詩雙聲疊韻譜  
所列皆轉注如窈窕崔嵬流離元黃輾轉虺隤之類



是也說文雙聲疊韻譜所列之禱告禍害禁忌嚴急趨走遵循之類二字一義亦皆轉注也雙聲疊韻本皆段借然單字爲段借既段之後又以二字連文則入轉注例矣轉段二門皆有雙聲疊韻如元黃爲病論本義則段借也而二字同意並見則爲轉注矣故雙聲疊韻爲轉注之正例凡駢語有不爲雙聲疊韻者均增此例之後

段借因無爲有轉注化多成少象聲生於段借象意生於轉注此六書先後之序文字一定之例也未造形聲字以前則皆段借未造會意字以前則皆轉注

段轉意聲止爭有本字無本字之別然去形聲字之形旁便爲段借而分象意之字不得爲轉注者則以象意會二字以見義所會多一虛一實不必同意如武之止戈信之人言不能同意是也若就此法推之三傳服傳之釋經戴禮記文之解禮皆得爲會意所包惟會意既有續造字則轉注不能如此泛濫專就字之虛實意義相同者爲轉注略示區畫若推其例則凡以文字連文見義者皆得爲轉注也

後世用字類如理財有餘揮霍則一事而費數倍之資不足則稱貧敷衍因類取象以示學童曰轉注曰

段借在當時皆通行諺語正如今幫補通挪之例轉注因字多而累用之段借因無字而通挪之語意明白故以教諭童蒙若如舊說轉注互訓互體轉聲轉義傳注省形諸說不惟與段借不類而轉注二字名義已迂曲難明雖老師宿學猶不能解何況童蒙班志以轉注段借對舉明四字相對成文若仍舊解亦當云象注象借矣

轉注專以馭繁以駢字爲主無論虛實凡駢雅所載者皆是也原不必拘其偏旁如拘其偏旁則以同偏旁者爲一首不同偏旁者爲建類亦無不可他如連

語形況如委蛇蒙戎之類既經同見亦其變例若傳與經對文同意相釋以及互文異字義近相通則亦變例矣

訓詁之書以此釋彼以經注對觀亦同意相受也故訓詁亦得以轉注爲名傳卽轉之段字轉運財物與師弟傳受皆從轉得義注挹彼注茲也詩之挹注皆有通挪之意則訓詁以注名亦用通財之義故傳注爲轉注之變例

轉注古爲用財之名古書有轉輸轉轂轉餉挹注傳注轉運轉販灌注盤輸等名曰雖與轉注聲義相近

而以轉注二字連文者無所攷然轉注與轉輸等音義皆同既有旁證實義正不必定求一連文爲證子以穀梁公羊爲卜商之轉語意義甚合亦無一實證如欲求實徵則段借二字亦無連文之實證何以不疑而獨疑轉注乎

經傳轉注字用者本一意而累文以達其間亦不無淺深差別如詩之言采蘋書之言股肱是也但二者雖似小有分別仍當統於意不必分之至於累字足句易文協韻由此兼彼錯綜雜出四例漢唐以來說者皆据文釋義不知變通如詩之輾轉反側孟子之

袒裼裸裎四字同一意不必分別也先儒不知此義於此等字分別細目徒爲繁說與經義無當又由此兼彼及錯綜雜出尤爲岐出今概以歸於同意一掃繁蕪之文

或疑轉注用財之名無確證恐不與段借對文曰今征賦有所謂捐輸矣有所謂津貼矣四字平對皆取財之名正與轉注段借同意如以轉注爲不可解則捐輸津貼獨可解乎捐輸津貼在今日則人人皆知爲取財至於後世此語不傳其疑之也安知不又如今日之疑轉注乎

轉注爲詞翰之要秘故典制之作絕不用之春秋儀禮可證也今之作時文者專以替代字見宏富如題有敬字則凡肅雍穆皇恪恭虔祇莫不備用甚或一篇之中至數十百字推其用字之法皆爲轉注以字相替本爲段借之例而別爲一門者則以此類有本字而所替代之字義皆相近段借則本爲不能造字之義而設與此不同後來有本字而又有隨手段借之字然多爲單字仍歸段借彙不與轉注相混也考老二字古書連文者無可攷亦與轉注同蓋四字皆周時語久而無徵經傳如此例最多原不必定求

實證其以考老連文者惟見栲栳蓋枷器之名或頗  
欲以栲栳說考老然二字晚出考老疊均字連用本  
非奇事正不必拘定以栲栳說之可也



轉注之字今略分爲十例

雙聲駢字例

如左右股肱叢脞次且流離元黃寤寐參差好  
迷權輿之類是也

疊韻駢字例

如崔巍窈窕隤隤蒙戎之類是也

連語例

凡連語而非雙聲疊均者入此例

按此皆雙聲疊韻駢字同意者也不論於說  
文中同部異部但係二字連文而意同者皆

歸此例

種言足句例

如輾轉反側祖禡裸禪樂土樂土君臣上下之類是也

按本用一字或二字意已明其必種言者非此文句不足但取足句而意則實同

變文協韻例

如詩之家室室家家人干城好仇腹心趾定角子姓族之類是也

按本同一意因協韻屢變其文並無別意

互文足意例

周禮互文最多彼此相助其意乃足是也

錯綜雜出例

如曲禮之告面詩之采有掇摛結禡論語之迅烈夏小正之剝零是也

由此及彼例

如孟子言禹而及稷禮記言車而及馬

大夫不得是車

馬

言老而及幼

養老幼於東序

是也至如言網及目如

魚鮪草莽鳥鳥蝗蟲

說見俞氏古書疑義

亦其例也

按此類言雖兼涉而意則一此亦轉注也

傳注例

按轉注以訓詁爲一門以彼字注此字二字同意亦如駢字卽以數字釋一字又或虛實不同字雖異而義則同仍爲轉注也

尠正例

如初哉首基肇祖元胎倣落權與十二字爲轉注凡在同意皆可互相通用如元首權輿卽用尠正是也

按前三門爲正例後七門爲變例

段借篇

許序云本無其意依聲託事令長是也令長如今州縣之稱此當時通行之語舉官名稱號不能造字者以起例段借豈二字能盡不過借以示例而已令長爲官名此依聲託事也官名既無形事之可言又無實意之可會不過託名以相稱號而已所謂全虛不能造字者也令長不足以概段借据此足見六書所舉字例不可株守當盡力推求不得拘二字以概其餘也

許序轉注曰同意以借曰依聲轉注與象意爲一例

段借與象聲爲一例此一定之論也段借之字必以借聲者爲準借聲而義不可通至於同義通用如今古異文同義相借者此爲轉注之變例非依聲者不可以爲段借也

段借以眞虛不能造之字爲正例因不能造乃定此例以濟其窮至承用旣久續造字多經師寫經猶好以同聲字相代旣有本字又復相借此段借變例也若借字義與本字相同卽可以借字爲本字旣爲同義便非依聲託事也今將此類歸入轉注變例如經典異文是也其中唯借音者乃爲段借

說文專明本義爾雅則多非本義此段借也一字一義爾雅一義至數十字則又轉注也治說文易治爾雅難說文有形象可憑合者爲是不合爲非爾雅則義與字形全不依附一字兼見數義俗體重文雜出其中故說爾雅者皆影響附會不及說文之切實爾雅之難過於說文十倍以此見本義易明而轉段之難說也

段借專爲無字而設乃文士喜新隨意引用此當立代用例與段借不同執此爲說非也如才爲草本初生非始本義也用作始義則段實作虛當以才爲段

借字乃載記中之哉載戴裁纔又隨舉同聲字以相代原始義本於才不得以才爲本字而段諸字又不得以諸字直爲始之段字必知乎此段借乃明不然文士所用新字亦當攷其乃何字之代用不得以爲段借以段借化無字爲有字六書之法甚謹嚴代用則本有字而用替字文章之事喜新穎其意間於轉注段借之間若執此以爲段借則清釐歸畫爲難段借中須立此一變例

全虛不能造字如地名人官名連語稱號記識語詞重言形況雙聲疊韻是也此類旣無形事可言亦



無實意可會造字之法至此而窮不得不立借聲一法以化無爲有承用旣久段義行而本義廢許君不盡知本意多就段義增會其義與形不相增不能掩其破綻尙可改正其有本字爲段義所奪更造一字以代之原字遂無所歸此類尤多故說文多一字變爲數字之例

宋芸子以字皆由聲而造字在聲後其說是也如日月牛羊皆先有此名後造此字然口舌之音無窮而事物之形有限實而按之除形事外唯象意字乃有實意可象旣有實意則可憑藉其意以象之若真虛

字既無所憑何從起例故眞虛不能造字全出於段  
借也卽形事與意古人亦未盡造多段別字爲之故  
段借中亦多實字段借之變例亦如段借以無字爲  
斷而有有字者又段借之變例也

段借十六例 凡舊說已明者不錄

官名例

如令長士吏皇帝王伯之類

地名例

如秦宋吳越之類

姓氏例

如伊媯姜尹之類

記識例

如支干數目之類

品藻例

如大小長短高卑美惡好醜是非真僞之類

稱號例

如君臣父孫昆弟朋友爾女之類

單詞形況例

如率余幡然之類

重言形況例

如朱朱關關之類

語詞例

如之乎也而已矣焉哉之類

雙聲連語例

如次且叢脞之類是也每合

注借

疊韻連語例

如窈窕蒙戎之類亦如雙聲

同聲通寫例

如利之爲賴答之爲對之類

疊韻例

如冰之爲捌馮之爲朋之類

合音例

如茺蔚爲葎蒺藜爲茨之類

同音例

如德之爲惠服之爲民之類

轉注段借對峙表

轉注

同意字多浪擲過費  
如今津貼之名

專主駢字連文

文辭用之以求華贍

春秋儀禮無轉注

化多爲少所以馭繁

既用同意都爲本義

同實異名是爲目治

段借

有聲無字稱貸于人

如今挪用之事

本於真虛不能造之字

載籍用之以濟窮困

四象不須段借

因無爲有所以濟窮

但取其聲實義全別

同名異實是爲耳治

與象意爲一象

同意字俱可連用

傳注是其變稱

雙聲字二字同用

疊韻字二字同用

駢雅皆轉注

詩書楚詞最多轉注

段借之後有轉注

包乎傳注互文異文

與象聲爲一象

同聲字乃可借用

借用再無還時

雙聲字一字爲借

疊韻字一字爲借

余正多段借

說文專釋本 不詳段借

轉注之由 借

包乎 詞部